

# 《聖觀自在菩薩功德讚》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) [cbeta@ccbs.ntu.edu.tw](mailto:cbeta@ccbs.ntu.edu.tw)

資料底本: 大正新脩大正藏經 Vol. 20, No. 1053

## No. 1053

### 聖觀自在菩薩功德讚

#### 西方賢聖集

#### 西天譯經三藏朝奉大夫試鴻臚卿傳法大師臣施護奉 詔譯

歸命最聖觀自在	滿月妙相蓮華生
能以無畏施有情	我今稱讚彼功德
一切善法悉具足	頂戴諸佛大智冠
福慧莊嚴最上尊	是故歸命蓮華手
兩頰圓滿紅白色	鼻相脩直妙端嚴
齒如珂雪密復齊	四牙平正而具足
梵音清響復深妙	一切聞者生愛心
凡所宣說眾語言	柔和善順而甘美
常以大悲方便力	救度一切苦眾生
自利利他眾導師	是故歸命蓮華手
雙眉同彼初生月	身相猶如真紫金
眾寶為鬘以莊嚴	一切見者無厭足
敷鹿皮衣而為座	最上自在眾中尊
身諸相分悉周圓	是故歸命蓮華手
上妙細氎為絡腋	摩尼珠寶作耳環
世出世寶所莊嚴	最上自在最尊勝
諸善功德皆滿足	一切世間大法王
能開種種方便門	是故歸命蓮華手
罪業眾生微塵數	無量劫來處輪迴
菩薩常生方便心	化度悉令歸智聚
放慈悲光照一切	以最上法施眾生
普令有情證菩提	是故歸命蓮華手
所有阿鼻大地獄	菩薩慈悲往現身
破壞彼趣悉無餘	閻摩獄卒生驚怖
彼諸業報眾生類	咸皆離苦罪銷除
惡趣能以智火焚	是故歸命蓮華手

具足悲智行願力  
於法自在利群生  
破壞一切罪業境  
有情離苦得清涼  
我今稱讚大聖者  
無礙自在三界尊  
度脫有情出苦海  
咸令得住安樂中  
所有一切餓鬼眾  
如是等類數甚多  
由彼飢渴火所逼  
菩薩悲願力所持  
先化種種美飲食  
復為宣說正法門  
菩薩悲智方便力  
利行同事攝有情  
身有大摩尼珠寶  
普照世間諸暗暝  
所有夜叉羅刹等  
觀眾生心令斷疑  
大力阿修羅王眾  
菩薩亦現彼趣中  
彼聞法已斷疑惑  
能施最上妙法門  
菩薩曾遊諸天界  
隨順方便開化門  
是時天子生苦惱  
令彼天子滿施心  
所有一切貪欲者  
得見菩薩善威容  
世間貪瞋癡盛者  
三毒煩惱獲銷除  
眾生界分無邊際  
菩薩亦以慈悲心  
世間或時值飢饉

欲色界中皆現身  
閻摩眷屬悉歡喜  
令諸苦惱不復生  
是故歸命蓮華手  
最上色相無等倫  
普施眾生無所畏  
斷彼三毒煩惱根  
是故歸命蓮華手  
針咽大腹及臭毛  
晝夜受彼飢渴苦  
互相吞噉苦惱生  
往彼現身而救濟  
各各令飽益身臑  
一切得離諸苦惱  
能入一切趣類中  
是故歸命蓮華手  
常出淨妙眾光明  
映蔽日月而不現  
蒙光照者悉歸依  
是故歸命蓮華手  
鬪諍勇猛而難調  
方便說法而化度  
各各生於慈善心  
是故歸命蓮華手  
入一妙環天子宮  
彼天悉無諸所施  
菩薩即為現珍財  
是故歸命蓮華手  
常為煩惱火所燒  
即能迴心思正法  
恭敬頂禮大聖尊  
是故歸命蓮華手  
蝼蟲螻蛄數無窮  
處處方便而化度  
即變所食濟群生

咸令息彼飢渴心  
若見眾生處大海  
菩薩慈悲現馬身  
眾生乘舡在大海  
若順若逆濟眾生  
菩薩已離三界苦  
復能攝化諸有情  
菩薩已離種種怖  
必舍左及拏吉泥  
大水大火并盜賊  
疾病毒藥與邪明  
菩薩自得遠離已  
自利利他大導師  
菩薩已具諸梵行  
人天稱讚大聖尊  
菩薩常住三摩地  
隨順方便現所居  
其山高廣復殊妙  
彼有寶樹數甚多  
有諸異鳥止其上  
如是莊嚴聖所居  
俱尾囉并嚩嚩乃  
乾闥婆王修羅王  
乃至部多等諸類  
晝夜各生恭敬心  
彼等如是稱讚已  
大富快樂壽命長  
息除無量諸苦惱  
乃至壽命欲終時  
聖觀自在功德海  
假以百舌千劫中

是故歸命蓮華手  
舡筏破壞欲漂沈  
令其攀附而得渡  
菩薩隨意使其風  
咸令遠離諸怖畏  
圓滿三摩地法門  
數等虛空無邊際  
所謂羅刹諸部多  
邪迷一切惡鬼眾  
虎狼蟲獸及刀兵  
乃至王刑禁縛等  
而復為彼諸眾生  
最上大悲無畏者  
如日月分照世間  
是為最上真梵行  
無邊功德為所依  
補陀落山為住止  
種種珍寶以莊嚴  
低羅迦及瞻波等  
常出清淨妙好音  
禮敬瞻仰而獲福  
及彼閻摩等三天  
夜叉王及諸龍主  
若天若神一切王  
歸依稱讚真聖者  
一切所欲皆隨心  
勇猛精進具威德  
夢中怖畏亦不生  
菩薩現身而安慰  
無量無邊無有窮  
稱揚讚歎不能盡

聖觀自在菩薩功德讚